



## DÖR DÄ DA

*Dä Wecker schrillt, und ich ghei usäm Bett  
Han au scho bald dä erscht Sockä aa  
Scho stellt sich d'Frag, wo isch dä zweit?*

Dänn hämmer hüt Morgä fascht s'gliiche Schicksal teilt  
Will wo mini Alt sich um ihri Achsä dreiht  
Mich unsanft diräkt vodä Bettkantä schmeisst  
Ja – stahni halt uuf Schatz scho guät!

Scho unmotiviert dä erschti Schritt vor d'Tür  
Wer blockiert d'Uusfahrt klar im Nachbar sis G'schwür  
Mini Nervä bruuch ä Zigi! Ah shit ka Fүүr  
Das fangt ja guät a!

*Ja, und ich han im Moment nöd mal ä Frau  
Und Autofahrä heisst bi mir Stau  
Und luäg, da vornä staht scho wieder d'Schmier!*

***I säg där i däm Moment han i mi sälber nüm kännt  
S'Mass isch voll, äs isch am überlaufä  
Okay, jetz isch äs passiert, bin ja nur churz explodiert  
Doch frag mi scho – Öb denn dä da dör?***

Dä halbi Morgä mässig über d'Rundi bracht  
Z'Nünipausä isch für mich wiä Sunntigsschlaf  
Doch will's mal wieder drüber und drunder gaht  
Fallt diä hüt ganz uus – ja merci Chef

*Uf hundertachzg scho dä ganz Morgä lang  
Hoff nu dasi bald in Mittag chan  
Doch vorher gits no so vill z'tuä!*

*Chum äntli idä Cafetäria aa  
Was für än truurigä Menüplan  
Und di ganz Belegschaft staht a scho aa!*

Ja und Sahnehübli vo mim Namittag  
Wo dä Chef mir seit das er mi gar nid mag  
Ich uf das zu mim Stift zum amal Dampf ablah  
Doch dä: was glaubi wäri sig!

***I säg där i däm Moment han i mi sälber nüm kännt  
S'Mass isch voll, äs isch am überlaufä  
Okay, jetzt isch äs passiert, bin ja nur churz explodiert  
Doch frag mi scho – Öb denn dä da dör?***

***Dör dä da? – Dör dä da? – Dör dä da? – Öb denn dä da dör?  
Dör dä da? – Dör dä da? – Dör dä da? – Öb denn dä da dör?  
Dör dä da? – Dör dä da? – Dör dä da? – Da denn dä da dör?  
Dör dä da? – Dör dä da? – Dör dä da? – Da denn dä da dör?***

***I säg där i däm Moment han i mi sälber nüm kännt  
S'Mass isch voll, äs isch am überlaufä  
Okay, jetzt isch äs passiert, bin ja nur churz explodiert  
Doch frag mi scho – Öb denn dä da dör?***

Mit Überziit ändlich zur Budä uus  
Ab uf d'Autobahn und nur no heiwärts g'raast  
Doch plötzlich streikt – ja klar – dä Motor

Was häsch na mit mir vor? Gib mir na äs Zückerli  
Dä Selecta-Automat git mir mis Rückgeld nid  
Das hät mir jetzt na g'fählt du Sau i rüttel di  
Doch er git nöd uuf

Für hüt isch fertig, besser wäni s'Geschäft verlah  
Mä seit s'wird alles besser am übernächstä Tag  
Doch bi mim Glück isch klar dasi das vergässä cha  
Was fürän Tag!

Sitz ändli da bi mim Fiirabigbier  
Was du verzellsch isch nur no irr und wirr  
Hett ja scho lang zallt, doch werd vo dä Barfrau ignoriert!

***I säg där i däm Moment han i mi sälber nüm kännt  
S'Mass isch voll, äs isch am überlaufä  
Okay, jetzt isch äs passiert, bin ja nur churz explodiert  
Doch frag mi scho – Öb denn dä da dör?***

***I säg där i däm Moment han i mi sälber nüm kännt  
S'Mass isch voll, äs isch am überlaufä  
Okay, jetzt isch äs passiert, bin ja nur churz explodiert  
Doch frag mi scho – Öb denn dä da dör?***

***Öb denn dä da dör?  
Da denn dä da dör?***